

幼科準繩 九之三

肺藏部 腎藏部

寒熱往來 瘧

慙病 客忤 中惡

卒死 鬼持 疰病

寒熱往來

凡寒熱往來無定期其有定期者瘧也 巢氏曰風邪外客於皮膚而痰飲內漬於腑臟致令血氣不和陰陽更相乘剋陽勝則熱陰勝則寒陰陽之氣爲邪所乘邪與正相干陰陽交爭時發時止則寒熱往來也 全生指迷論曰若其人翕翕如熱淅淅如寒無有時度支節如解手足酸疼頭目昏暈此由榮衛虛弱外爲風邪相乘搏於陽則發熱搏於陰則發寒久不治成勞宜荊芥散 又曰若寒熱如瘧不以時度

腸滿膨脝起則頭暈大便不通或時腹痛胸膈痞悶
此由宿穀停留不化結於腸間氣道不舒陰陽交亂
宜備急丸 經曰陽虛則外寒陰虛則內熱陽盛則

外熱陰盛則內寒寒熱往來此乃陰陽相勝也故寒
氣并於陰則發寒陽氣并於陽則發熱寸口脉微爲
陽不足陰氣上入陽中則惡寒尺脉弱爲陰不足陽
氣下入陰中則發熱陽不足則先寒後熱陰不足則
先熱後寒陰陽不歸其分則寒熱交爭也又上盛則
發熱下盛則發寒陽盛則乍熱陰盛則乍寒陰陽相
勝虛實不調故邪氣更作而寒熱往來或乍寒乍熱

也少陽膽者肝之府界乎太陽陽明之間半表半裏
之分陰陽之氣易於相乘故寒熱多主肝膽經證以
小柴胡湯加減調之若祇見寒熱起居如常久而不
愈及大病後元氣未復悉屬陰虛生熱陽虛生寒宜
用八珍湯虛補之甚者十全大補湯汗有食積爲病
亦令寒熱用保和丸宿消之若兼嘔吐泄瀉用六君
子湯吐瀉厥冷飲熱人參理中丸瀉作渴不止七味白
朮散渴食積既消而寒熱尚作者肝邪乘脾所勝侮
所不勝也用異功散吐瀉加柴胡山梔其瘧證寒熱詳
見瘧門

食積

湯食積寒熱如瘧渴瀉氣急要合地臥此候先當取

下積只用平胃散次常服進食丸

平胃散見不乳食進食丸見積

錢曹宜德子三歲面黃時發寒熱不欲食而飲水及乳不止衆醫以爲潮熱用牛黃丸不愈及以止渴乾葛散服之反吐錢曰當以白餅子下之後補脾乃以消積丸磨之此乃解也後果愈何以故不食但飲水者食伏於脾內不能消化致令發寒熱用止渴藥吐者藥衝脾故也故下之卽愈

熱

子和高巡檢子八歲病熱醫者皆爲傷冷治之以熱藥欲飲水水禁而不與內水涸竭煩躁轉生前後皆

閉口鼻俱乾寒熱往來咳嗽時作遍身無汗又欲灸之適遇戴人戴人責其母曰重裯厚被煖炕紅爐兒已不勝其熱尙可灸乎其母謝以不明戴人令先服人參柴胡飲子遂連進數服下爛魚腸之類臭氣異常渴欲飲水聽其所欲冰雪冷冰連進數杯節次又下三四十行大熱方去又與通膈丸牛黃丸復下十餘行兒方大痊前後約五十餘行略計所用冰雪水飲計一斛向灸之當何如哉

大醫局小柴胡湯 治大人小兒傷寒溫熱病身熱惡風頸項強急胃滿脇痛嘔噦煩渴寒熱往來身

面皆黃小便不利大便秘或過經未解或潮熱
不除及瘥後勞復發熱頭痛婦人傷風頭痛煩熱
經血適斷寒熱如瘧發作有時及產後傷風頭痛
煩熱並宜服之

柴胡

去蘆頭
秤半斤

黃芩

人參

去蘆頭
秤

甘草

炙各
參兩

半夏

湯洗沫次焙
乾秤貳兩半

右五味同為麤末每服三大錢以水一盞半入生
薑五片棗壹枚擘破同煎至七分濾去滓稍熱服
不拘時小兒分作二服更量大小加減

張渙秦艽湯

治小兒寒熱往來

秦艽

去苗

鼈甲

醋炙微黃去
褻襴各壹兩

川大黃

剉碎
微炒

麻黃

去根節
各半兩

竹茹

甘草

炙各
壹分

右件檮羅爲麤散每服一錢水一盞入蔥白二寸

同煎至五分去滓溫服量兒大小加減

人參前胡散

人參

去蘆頭

前胡

柴胡

去苗各
壹兩

桔梗

地骨皮

甘草

炙

半夏

湯洗柒遍焙
乾各半兩

右件檮羅爲細末每服一大錢水一小盞入生薑

二片煎至半盞去滓放溫服量兒大小加減

芍藥湯

赤芍藥

壹兩

黃芩

當歸

剉焙乾

柴胡

各半兩

肉桂

甘草

炙各壹分

右件搗羅爲細末每服一錢水八分一盞入生薑二片棗一枚同煎至五分去滓溫服量兒加減

王氏手集柴胡人參湯

治小兒脾熱生風往來寒

熱

子和柴胡飲子有黃芩大黃當歸無茯苓

柴胡

人參

芍藥

茯苓

甘草

炙各等分

右每服二錢水一盞入生薑三片煎至四分溫服

全生指迷荊芥散

荊芥穗

人參

白朮

當歸

切洗焙

黃耆

芍藥

桂

去粗皮各壹兩

柴胡

去苗貳兩

甘草

炙半兩

右爲麤末每服五錢水二盞煎至一盞去滓溫服

全生指迷備急丸

大黃

濕紙裏煨

巴豆

去皮心去油

乾薑

去皮各等分

右爲細末煉蜜和丸如豌豆大每服一九米飲下
羸人服一九如菜豆大以大便快利爲度

嬰孩
寒熱

千金治小兒生一月至五月乍寒乍熱方

右細切柳枝煮取汁洗兒若渴絞冬瓜汁飲之

水鑑孩子百日內忽有寒熱何以治之與冷藥喫卽
乳寒嘔逆若與熱藥治之其病加甚無神法聖術因
循喪兒之命博覽石室祕方用之應妙歌云

桃花廕末一錢餘甘草衝湯力更殊藍花只消一

兩字

陰乾

灌之入口立消除 右三味爲末每服半

錢湯調灌之

莊氏家傳療小小卒寒熱不佳不能服藥李葉浴兒
方

煩滿

右用李葉不拘多少煮湯浴兒

又白芷
又苦參

玉訣云先調氣次解虛熱熱不去下真珠丸取

真珠丸 治小兒寒熱虛積五臟煩滿及下風涎積

滯驚食疳積

南星

半夏

滑石 各末
貳錢

輕粉 肆錢七

巴豆 貳柒粒
去心

右末之麵糊丸芥子大每服十五二十丸煎葱湯

吞下

嬰孺六味湯 治少小寒熱進退啼呼腹痛

地黃

桂心 各捌分

芍藥

寒熱往來 公和九 百五 石經堂

寒水石

黃芩炙

甘草炙各貳分

右切細以水三升煮一升半一歲兒二合至三合量與服之

能食
不生
肌肉

大黃丸 療小兒寒熱食不生肌肉

大黃

壹兩蒸之貳斗米下

桂心

乾薑

炮各貳分

巴豆

伍拾粒去皮心熬

消石

叁分熬無者以芒硝代之

右五味擣篩四味別擣巴豆令如泥合和以蜜更擣二千杵丸如梧子每一丸湯服之但熱在膈上當吐在膈下當利預作粥如服已吐下丸法服藥兩食頃不吐下以熱飲動之若不得吐下可更服

一丸半能藥壯人可二丸此藥優於他下藥丸故
宜大小下多冷粥解之若有瘡綿挺如指蜜和一
丸塗挺頭旦內瘡中啣出之不瘥更作溫病不得
大便服之得下佳宿食不消亦服之飛尸遁尸漿
服半丸日一應須與止心腹脹滿痛服一丸瘡者
依發日宿勿食清晨服一丸下壯人服二丸得吐
下忍飢過發時乃食婦人產後血結中奔走起上
下或絕產無子或月經不調面目青黃服半丸小
兒淋瀝寒熱臚脹大腹不欲食食不生肌三四歲
如麻子大一丸日一服六七歲兒服二丸比三十

日心腹諸病瘥兒小半之愈大良忌野豬肉蘆笋
生蔥 按病兒若無實積或有積而虛皆不宜用
此若疳勞一路自當求之肥兒之屬

聖惠柴胡散 治小兒寒熱往來乳食不下四肢無

力心腹脹滿上焦痰壅漸漸羸瘦

柴胡 去苗

鼈甲 塗醋炙令黃色
去裏襖各壹兩

人參

前胡

桔梗

訶梨勒皮

地骨皮

赤芍藥

杏仁

湯浸去皮尖雙
仁麝炒微黃

甘草

炙微赤

陳橘皮

湯浸去白焙
各半兩

右件藥檮篩爲散每服一錢水一小盞煎至五分去滓不計時候溫服量兒大小加減

五味子散 治小兒寒熱往來不欲乳食羸瘦心脹

五味子

當歸剉碎
微炒

人參

桔梗

前胡各去
蘆頭

白朮

赤茯苓

黃芩各用
壹分

甘草半分
炙微赤剉

麥門冬

半兩去
心焙

右件藥檮麤羅爲散每服一錢以水一小盞煎至五分去滓溫服日三四服更量兒大小以意加減
人參散 治小兒寒熱往來食少羸瘦

人參 去蘆頭

黃芪 剉

柴胡 去苗

白茯苓

鼈甲

塗醋炙令黃去裏襖

木香

各半兩

甘草

炙微赤剉

白朮

桃仁

湯浸去皮尖雙仁麩

炒微黃各壹分

訶梨勒皮

叁分

右件藥擣細羅爲散不計時候以粥飲調下半錢量兒大小加減服之

黃芪丸 治小兒往來寒熱多汗心煩小便赤黃不

欲乳食四肢羸瘦

黃芪

剉

麥門冬

去心焙

赤茯苓

白朮

子芩

甘草

各壹分